

靈寶領教濟度金書卷之一百八十九 拱八

洞微高士開光教苦真人案金具授

靈寶通玄私教水南先生林靈真編

科儀立成品七曜齋用

宿啓建壇儀

陞壇法事如式

各禮師存念如法

衛靈呪

東方

九炁青天明星大神 煥照東鄉 洞映九門  
轉燭陽光 掃穢陰氛 開明童子 號曰玄卿  
備衛我軒 上對帝君 收魔東妖 討捕克群  
奉承正道 赤書玉文 九天符命 攝龍驛傳  
普天安鎮 我得飛仙

南方

三炁丹天 煥景浮光 熒星轉燭 洞照太陽  
上有赤精 合契虛皇 開明靈童 號曰華房  
總統火兵 備守玉堂 斬邪東妖 剪截魔王  
北帝所承 風火莫當 流鈴交煥 翊衛壇場  
正道流行 敢有猖狂 我享上功 坐運魁罡

億劫長存 保天無疆

西方

七炁素天 太白流精 光耀金門 洞照太真  
中有素皇 號曰帝靈 保神安鎮 衛我身形  
斷絕邪源 玉道正明 宮殿整肅 三景齊并

道合自然 飛昇紫庭 靈寶符命 普惠萬生

元皇正炁 來合我身 功加一切 天地咸寧

北方

五炁玄天 元始徘徊 辰星煥爛 光耀太微  
黑靈尊神 號曰層威 統冠飛天 仙裙羽衣  
備衛五門 檢精捕非 敢有干試 訟落斬推  
玉符所告 神鎮八威 邪門閉塞 正道明開  
映照我身 三光同輝 策空駕浮 舉形仙飛

中央

一炁黃天 調理乾坤 陶鑄陰陽 總統玄真  
鎮星吐輝 流煥九天 開明童子 號曰天璘  
元炁陽精 灼上朱煙 洞照天下 及臣等身  
百邪摧落 殺鬼萬千 中山神呪 普天使然  
五靈安鎮 身飛上仙

鳴法鼓二十四道

無上三天玄元始三炁太上道君太上老君

召出巨身中三五功曹左右官使者左右捧

香驛龍騎吏侍香金童傳言散花玉女五帝

直符直日香官各三十六人出出者嚴裝顯

服冠帶垂纓關啓玄壇天帝神君當召此間

土地方域神真臣今宿建行道謹奏為入意

其諸誠悃具狀狀文願得

太上十方正真道炁靈寶瑞光下降流入巨

身中即使玄壇清淨內外成真天无氣穢地

絕妖塵琳琅振響十方肅清萬魔不干真誠

上徹今臣所啓速達徑御

至真無極大道

三清上聖

昊天玉皇上帝御前

請稱法位

具位奉行七耀大齋法事小兆臣某與臨壇

官眾等今故燒香願以是功德上為

天子王侯土地官長經籍度師及山林巖棲

學真道士同學之人九親門族天下人民蜎

飛蠢動一切衆生今故燒香皈身皈神皈命

无上靈寶至真自然大道特巧原赦前生今世宿罪重過得免離三惡之道五苦八難九厄之中臣身得道白日升天飛行虛空侍衛道君道遂无上金闕七寶自然宮殿永與道合所啓者感上御

至真无極道前

禮十方 坐懺

臣法泉等至心皈身皈神皈命

十方无極大道太上靈寶天尊以今宿啓告齋焚香懺悔臣聞道分三洞彭鳳篆於紫虛

教傳十華煥龍章於黃混將肅玄壇之觀載瞻丹陛之崇猶慮臣等三業繁心六塵淨性

淨願宣德冀宏雨露之恩綴武依光式冒雷霆之誼宜祈春育庶道天威調玉緯於三辰

邇遐介社運金經於七曜天地垂祥臣等志

心稽首禮謝

无上正真三寶

三啓頌

樂法以為妻 愛經如珠玉 持戒制六情

念道遣所欲 澹泊正氣停 蕭然神靜默

天魔並殺護 世世享大福

又

鬱鬱家國威 濟濟經道典 天人同其願

縹緲入大乘 因心立福田 靡靡法輪昇

七祖生天堂 我身白日騰

又

大道洞玄虛 有念无不契 煉質入仙真

遂成金剛體 超度三界難 地獄五苦解

悉歸太上經 靜念稽首禮

三禮

臣等志心稽首禮

太上無極大道

臣等志心稽首禮

三十六部尊經

臣等志心稽首禮

玄中大法師

重稱法位

具位奉行七曜大齋法事小兆臣某與臨壇

法衆等謹重誠上啓

太上无極大道虛无自然元始天尊太上道

君太上老君无上玄元總監衆靈日月兩曜皇君木火土金水五行星君諸天星宿璇璣玉衡周天二十八宿三百六十五度河漢星君星中大聖五老上真玄中大法師三天大聖師五帝四司十方三界玄虛應感一切真靈臣等受中資淺語上材疎曷運天開幸玄雲之快觀道基日闢欣法雨之流明莫超林壑以怡神迺遂市朝而玩景臨淵自歎超海誰矜私道憲天願炳丹青之普濟人利物庶堅金石之盟三省五功九思補過凡有投告

盡為闡聞

宣詞

按如詞旨備切忱恂臣等肅集簪紳恭趨壇

陛按靈寶二十四司之經法修自然百八十

品之威儀月墮三成舞鳳縉而効款風瓊九

奏真龍壁以投誠千枝璀璨於銀缸百和氣

氤於寶鼎三靈鼓舞十極班朝自今月某日

為始為齋主某崇建某齋幾晝夜躡消災診

迎送休祥集和悉於身家導靈光於眷序謹

依科法宿啓以聞恩惟

太上三尊十方衆聖垂慈鑒映省覽所陳教  
勅三洞仙曹三寶官屬侍經護道監齋衛真  
應感仙靈土地主執同心協力掃內外之紛  
葩會道運元契人天之真誠今臣等百關奉  
定五炁宣平奏悃紫宸立蒙御達敷恩黃福  
疾賜感通无魔試之潛于有天休之密被明  
晨行道續更啓聞

發願

- 一願乾坤明素
- 二願氣象清玄
- 三願聖人萬壽
- 四願化洽八埏
- 五願天垂甘露
- 六願地發祥煙
- 七願四時應候
- 八願萬物生全
- 九願家多孝悌
- 十願國富才賢
- 十一願齋功廣被
- 十二願善瑞日臻

存神燒香

香官使者左右龍虎君侍香諸靈官當令臣  
宿啓行道之所自然生金液丹碧芝英百靈  
衆真交會在此香火爐前令臣等學道得道  
求仙得仙三花聚頂五炁朝元魔無干犯身  
有光明齋官獲福幽顯蒙恩十方仙童玉女

接待蘭煙向來所啓之言速達徑御  
至真无極大道

三清上聖

昊天玉皇上帝 師前

出堂頌

引至六幕

謝師

靈寶領教濟度金書卷之一百八十九

正一天師清微帝 洪百堅 製作  
道教學術資訊網站

靈寶領教濟度金書卷之二百九十 拱元

洞微高士開光啟苦真人蒙金真授

靈寶通玄弘教水南先生林靈真編

科儀立成品 七曜齊用

早朝行道儀

法事陸壇如式

各禮師存念如法

宣衛靈呪

青陽虛映耀日回靈神虎辟邪飛天流鈴  
摧蒸滅試萬魔東形九微回道八威攝精

千真校錄三元蕩清左備中黃右策六丁

七轉八合周旋天經聖化魏魏三道順行

慶雲流布合景黃庭和與道合真

鳴法鼓二十四通

無上三天玄元始三炁太上道君太上老君

召出臣等身中三五功曹左右官使者左右

捧香驛龍騎吏侍香金童傳言散花玉女五

帝直符直日香官各三十六人出出者嚴裝

顯服冠帶垂纓開啓玄壇天帝神君當召此

間土地方域神真臣今清旦行道謹奉為入